



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Gnoti Seautón, Sive Arnoldi Geulincs Ethica

Geulincx, Arnold

Lugd. Batav., MDCLXXV

De V. Obligatione, §. 8.

[urn:nbn:de:hbz:466:1-48728](https://nbn-resolving.org/urn:nbn:de:hbz:466:1-48728)



ſiſtit in quadrarione conditionis cum perſonâ conditionem captante: ut & ingenio, & animo & corpori conveniens conditio eligatur.

Quantum ad vacationem, qua vacare vocationi noſtræ debemus, ea fere rejecta eſt in Obligationem quintam.

Quantum ad constantiam & mutationem: breve monitum, ut mutetur quantum fieri poteſt minime.

Appendix de vitanda ſollicitudine, quæ præſertim in eligenda conditione intervenit: lex enim propoſito contenta eſt: qui legem ſolam quærit, non eſt, cur anxius ſit: cum propoſitum ſemper ſit ad manum, nunquam longè quærendum.

§. 8. Quinta Obligatio.

Quinta Obligatio, quartæ inædificatur proximè: Illa præcipit, multa facere, multa pati, ut aut inſtitutum ſemel vitæ curſum, perpetuò & æquabiliter ſervem, aut mutem etiam aliquando, & iter, ſi opus eſt, aliò deflectam. Somno temperandum, abſtinendum luſu, ſudandum & algendum, exantlandi labores, devoranda tædia, antequam in arte vel disciplina

i Quinta Obligatio nihil habet obſcuri.



plina quapiam, cui nomen meum dedero, mediocrem progressum faciam: Quid si de fastigio Sapientiæ cogitem, ut pluribus profim? Duriora me manebunt, imò non dura jam, sed dira: aliorum me flagellabit censura, aliorum arrodet invidia, aliorum supprimet aut subruet etiam impotentia. Quod si Ratio me ad honores in Republica petendum adducat: competitors, susurriones, obtretractores, ambitus, repulsa, inquietas, vigiliæ, ingratae multitudinis imperitia & sævitia: hæc omnia in me instituta, parata, intenta sunt. Rus me mittit Ratio, aut ad operas, tabernarios, cerdones mandat? Quotidianum me pensum & servitus exercebit, rei familiaris angustia constringet: contempui ero, aliis fastidium, aliis ludibrium debebo. Si denique ex præscripto Rationis conditionem meam deseruero, & ad aliam defecero: jam facienda mihi sunt illa, quorum sum insolens & ignarus: inter nova omnia ac recentia, quædam me implicabunt inopinata, quædam me repentina consternent: multis sermonem dabo, rudem me & veterem tyronem alii reprehendent, alii ridebunt. Hæc igitur omnia ferenda & concoquenda sunt: Deus imposuit, cui nos totos dedimus.

Argu-



## Argumentum.

## §. 8. De Quinta Obligatione.

**M**ulta ferre, multa facere: alioqui enim non possum vacare conditioni vitæ, ita ut frugifera sit, & victum mihi proferat.

Quatuor puncta expenduntur, in quibus difficultates subeundæ sunt: primo in conditione viri docti: (ibi studendum, ibi mille tædia devoranda, invidia & censure subeundæ) secundo in conditione magistratus: (ubi vigiliæ, curæ, & pro omnibus his ingratiæ populi & sævitia) tertio in conditione humili & abjectâ: (ubi contemptus, paupertas & rigidum atque quotidianum pensum) quarto in mutatione conditionis (ubi insolentia & inassuetudo turbant & terrent, & mentem mille anxietatibus affligunt) in hæc igitur omnia obfirmandus animus.

## §. 9. Sexta Obligatio.

**Q**uintæ Obligationis additamentum, continet legem remittendi subinde

animum,  
1. Continet legem remittendi subinde animum. Quod ante